

名善法印名相如人得印綬無敢凌易菩薩
得法財印亦無能爲作留難者諸法無分別
見三昧者若分別諸法即生憎愛心得是三
昧者見一切法不作分別離諸見三昧者六
十二邪見及色等法中取相乃至佛見法見
僧見涅槃見皆名爲見所以者何取相能生

著心故離一切相三昧者即是無相解脫門
相應三昧離一切著三昧離一切相故於一
切法亦不著除一切懈怠三昧者得是三昧
者如此中說乃至七歲不坐不卧菩薩得是
三昧常無懈怠心乃至得佛初不止息得深
法明三昧者法名謂佛法一切智慧等菩薩能

放無量光明照於十方見諸佛三昧者得是
三昧雖未得天眼天耳而能見十方諸佛聞
十方諸佛所說法諮詢所疑薩陀波崙住如
是等三昧中即見十方無量阿僧祇諸佛在
大衆中爲諸菩薩說般若波羅蜜

十一末

大智度論卷第九十七

空七

欄楯下時校飾下音教縱廣容足塹反焰樓
尹反娛慧音扶相和聲去適無的音
垣牆上音園攻迴上音回梯陞上音易芳反
一音起篋下紓阮反茵褥上音因幃雨下音尋非闕礙嘿黯
上音延異居上音覽反經受上音反正綏受

大智度論卷第九十八

空八

龍樹菩薩造 姚秦三藏法師鳩摩羅什譯

釋薩陀波崙品第八十八下
是時十方諸佛安慰薩陀波崙菩薩言善哉
善哉善男子我等本行菩薩道時求般若波
羅蜜得是諸三昧亦如汝今所得我等得
涅槃故不著起光明三昧者得是三昧者能

是諸三昧善入般若波羅蜜成就方便力住阿鞞跋致地我等觀是諸三昧性不見有法出三昧入三昧者亦不見行佛道者亦不見得阿耨多羅三藐三菩提者善男子是名般若波羅蜜所謂不念有是諸法善男子我等於無所念法中住得是金色身丈光明三十

二相八十隨形好不可思議智慧無上戒無上三昧無上智慧一切功德皆悉具足一切功德具足故佛尚不能取相說盡何況聲聞辟支佛及諸餘人以是故善男子於是佛法中倍應恭敬愛念生清淨心於善知識中應生如佛想何以故為善知識守護故菩薩疾得阿耨多羅三藐三菩提是時薩陀波崙菩薩白十方諸佛言何等是我善知識所應親近供養者十方諸佛告薩陀波崙菩薩言汝善男子曇無竭菩薩卅卅教化成就汝阿耨多羅三藐三菩提曇無竭菩薩守護汝教汝般若波羅蜜方便力是汝善知識汝供養曇

無竭菩薩若一劫若二若三乃至過百劫頂戴恭敬以一切樂具三千世界中所有妙色香味觸盡以供養未能報須臾之恩何以故曇無竭菩薩摩訶薩因緣故令汝得如是等諸三昧得般若波羅蜜方便力諸佛如是教化安慰薩陀波崙菩薩令歡喜已忽然不現是時薩陀波崙菩薩從三昧起不復見佛作是念是諸佛從何所來去至何所不見諸佛故復惆悵不樂誰斷我疑復作是念曇無竭菩薩久遠已來常行般若波羅蜜得方便力及得諸陀羅尼於菩薩法中得自在多供養過去諸佛卅卅為我師常利益我我當問曇無竭菩薩諸佛從何所來去至何處尔時薩陀波崙菩薩於曇無竭菩薩生恭敬愛樂尊重心作是念我當以何供養曇無竭菩薩今我貧窮華香瓔珞燒香澤香衣服幡蓋金銀真珠瑠璃玻璃珊瑚琥珀無有如是等物可以供養般若波羅蜜及說法師曇無竭菩

薩我法不應空往曇無竭菩薩所我若空往喜悅心不生我當賣身得財爲般若波羅蜜故供養法師曇無竭菩薩何以故哉卅喪身無數無始生死中或死或賣或爲欲因緣故卅在地獄中受無量苦惱未曾爲清淨法故爲供養說法師故喪身是時薩陀波崙

菩薩中道入一大城至市肆上高聲唱言誰欲須人誰欲須人誰欲買人余時惡魔作是念是薩陀波崙愛法故欲自賣身爲般若波羅蜜故供養曇無竭菩薩當得正問般若波羅蜜及方便力云何菩薩摩訶薩行般若波羅蜜疾得阿耨多羅三藐三菩提當得多聞具足如大海水是時不可沮壞得具足一切功德饒益諸菩薩摩訶薩爲阿耨多羅三藐三菩提故過我境界亦教餘人出我境界得阿耨多羅三藐三菩提我今當壞其事爾時惡魔蔽諸婆羅門居士令不聞其自賣聲除一長者女魔不能蔽以其宿因緣故爾時薩陀波崙

賣身不售憂愁啼哭在一面立涕泣而言我爲大罪賣身不售我自賣身爲般若波羅蜜故供養曇無竭菩薩尔時釋提桓因作是念是薩陀波崙菩薩愛法自賣其身爲般若波羅蜜故欲供養曇無竭菩薩我當試之知是善男子實以深心愛法故捨是身不是時釋提桓因空八行

化作婆羅門身在薩陀波崙菩薩邊行問言汝善男子何以憂愁啼哭顏色憔悴在一面立答言婆羅門我愛敬法自賣身爲般若波羅蜜故欲供養曇無竭菩薩今我賣身無有買者自念薄福無財寶物欲自賣身供養般若波羅蜜及曇無竭菩薩而無買者余時婆羅門語薩陀波崙菩薩言善男子我不須人我今欲祠天當須人心人血人體汝能賣與我不余時薩陀波崙菩薩作是念我得大利得第一利我今便爲具足般若波羅蜜方便力得是買心血髓者是時心大歡喜悅樂無憂以柔和心語婆羅門言汝所須者我盡與

汝婆羅門言善男子汝須何價答言隨汝意與我即時薩陀波崙右手執利刀刺左臂出血割右髀肉復欲破骨出髓時有一長者女在閣上遙見薩陀波崙菩薩自割身體不惜壽命作是念是善男子何因緣故困苦其身我當往問長者女即下閣到薩陀波崙所問言善男子何因緣困苦其身用是心血髓作何等薩陀波崙答言賣與婆羅門爲般若波羅蜜故供養無竭菩薩長者女言善男子作是賣身欲自出心血髓欲供養無竭菩薩得何等功德利薩陀波崙答言善女人是人善學般若波羅蜜及方便力是人當爲我說菩薩所應作菩薩所行道我學是法學是道得阿耨多羅三藐三菩提時爲衆生作依止當得金色身三十二相八十隨形好大光無量明大慈大悲大喜大捨四無所畏佛十力四無礙智十八不共法六神通不可思議清淨戒禪定智慧得阿耨多羅三藐三菩提

於諸法中得無礙一切智見無上法寶分布與一切衆生如是等諸功德利我當從彼得之是時長者女聞是上妙佛法大歡喜心驚毛堅讚薩陀波崙菩薩言善男子甚希有汝所說者微妙難值爲是一一法故應捨如恒河沙等身何以故汝所說者甚大微妙汝善男子汝今所須盡當相與金銀真珠琉璃玻璃瓈珀珊瑚等諸珍寶物及華香瓔珞塗香燒香幡蓋衣服妓樂等供養之具供養般若波羅蜜及曇無竭菩薩汝善男子莫自困苦其身我亦欲往曇無竭菩薩所共汝植諸善根爲得如是微妙法如汝所說故余時釋提桓因即復本身讚薩陀波崙菩薩言善哉善哉善男子汝堅受是事其心不動諸過去佛行菩薩道時亦如是求般若波羅蜜及方便力得阿耨多羅三藐三菩提善男子我實不用人心血髓但來相試汝願何等我當相與薩陀波崙言與我阿耨多羅三藐三菩提

空八

四

乞

提桓因言此非我力所辦是諸佛境界必相
供養更索餘願薩陀波崙言汝若於此無力
汝必見供養令我是身平復如故是時薩陀
波崙身即平復無有瘡瘢如本不異釋提桓
因與其願已忽然不現余時長者女語薩陀
波崙菩薩言善男子來到我舍有所須者從

我父母索之盡當相與我亦當辭我父母與
諸侍從共汝往供養曇無竭菩薩為求法故
即時薩陀波崙菩薩與長者女俱到其舍在
門外住長者女入白父母與我衆妙華香及
諸瓔珞塗香燒香幡蓋衣服金銀琉璃玻璃
真珠珊瑚琥珀及諸娛樂供養之具亦聽我
何

至八

五

憂愁啼哭一面立答言婆羅門我欲賣身為
供養般若波羅蜜及曇無竭菩薩摩訶薩故
而我薄福賣身不售婆羅門語是善男子我不
須人我欲祠天當用人心人血人髓汝能
賣不是時是善男子不復憂愁其心和悅語
是婆羅門汝之所須我即相與婆羅門言汝
身及五百侍女先所給使共薩陀波崙菩薩
到曇無竭菩薩所為供養般若波羅蜜故曇
無竭菩薩當為我等說法我當如說行當得
諸佛法女父母語女言薩陀波崙菩薩是何
等人女言是人今在門外是善男子以深心
求阿耨多羅三藐三菩提欲度一切衆生無
量生死苦是善男子為法故自賣其身供養

曇無竭菩薩說法者我貧窮無所有無金銀琉璃碑碣碼瑙珊瑚琥珀玻璃真珠華香妓樂姊我爲供養法自賣其身今得買者須人之心人血人髓我用是價供養般若波羅蜜及曇無竭菩薩說法者我問是男子汝今自出身心血體欲供養曇無竭菩薩得何功德是善男子言曇無竭菩薩當爲我說般若波羅蜜及方便力此是菩薩所應學菩薩所應作菩薩所行道我當學是道得阿耨多羅三藐三菩提爲一切衆生作依止我當得金色身三十二相八十隨形好丈光無量明大慈大悲大喜大捨四無所畏四無礙智佛十力十空六

足二法故應捨如恒河沙等身命善男子爲法能受苦行難事所謂不惜身命我多有妙寶云何不生願勤求如是法供養般若波羅蜜及曇無竭菩薩我如是思惟已語薩陀波崙菩薩汝善男子莫因苦其身我當白我父母多與汝金銀琉璃碑碣碼瑙珊瑚琥珀玻璃真珠華香瓔珞塗香綵香衣服幡蓋及諸妓樂供養般若波羅蜜及曇無竭菩薩說法者我亦求父母與諸侍女共汝俱去供養曇無竭菩薩說法者共汝植諸善根爲得如是等微妙清淨法如汝所說父母今聽我并五百侍女先所給者亦聽我持衆妙華香瓔珞塗香綵香衣服幡蓋妓樂金銀琉璃供養之具與薩陀波崙菩薩共去供養般若波羅蜜及曇無竭菩薩說法者爲得如是等清淨微妙諸佛法故余時父母報女言汝所讚者希有難及說是善男子爲法精進大樂法相及是諸佛法不可思議一切世間最爲第一一

一切衆生歡樂因緣是善男子爲是法故大莊嚴我等聽汝往見曇無竭菩薩親近供養汝發大心爲諸佛法故如是精進我等云何當不隨喜是女爲供養曇無竭菩薩故得蒙聽許報父母言我等亦隨是心歡喜我終不斷人善法因緣是時長者女莊嚴七寶車五百乘身及侍女種種寶物供養之具持種種水陸生華及金銀寶華衆色寶衣好香擣香澤香瓊珞及衆味飲食共薩陀波崙菩薩五百侍女各載一車恭敬圍繞漸漸東去見衆香城七寶莊嚴七重圍遶七寶之灘七寶行樹皆亦七重其城縱廣十二由旬豐樂安靜甚可喜樂人民熾盛五百市里街巷相當端嚴如畫橋津如地寬博清淨遙見衆香城既入城中見曇無竭菩薩坐高臺法座上無量千萬億衆恭敬圍遶說法薩陀波崙菩薩見曇無竭菩薩時心即歡喜譬如比丘入第三禪攝心安隱見已作是念我等義不應載車

趣曇無竭菩薩作是念已下車步進長者女并五百侍女皆亦下車薩陀波崙菩薩與長者女及五百侍女衆寶莊嚴圍遶恭敬俱到曇無竭菩薩所余時曇無竭菩薩摩訶薩有七寶臺赤牛頭栴檀以爲莊嚴真珠羅網以覆臺上四角皆懸摩尼殊寶以爲燈明及四寶香爐常燒名香爲供養般若波羅蜜故其臺中有七寶大牀四寶小牀重敷其上以黃金牒書般若波羅蜜置小牀上種種幡蓋莊嚴垂覆其上薩陀波崙菩薩及諸女人見是妙臺衆寶嚴飾及見釋提桓因與無量百千萬諸天以天曼陀羅華碎末栴檀磨衆寶屑以散臺上鼓天妙樂於虛空中娛樂此臺余時薩陀波崙菩薩問釋提桓因憍尸迦何因緣故與無量百千萬諸天以天曼陀羅華碎末栴檀磨衆寶屑以散臺上鼓天妙樂於虛空中娛樂此臺釋提桓因答言汝善男子不知耶此是摩訶般若波羅蜜是諸菩薩摩訶

空八

正

第 四 五 冊

薩母能生諸佛攝持菩薩菩薩學是般若波羅蜜成就一切功德得諸佛法一切種智是時薩陀波崙即歡喜悅樂問釋提桓因橋戶迦般若波羅蜜諸菩薩摩訶薩母能生諸佛攝持菩薩菩薩學是般若波羅蜜成就一切功德得諸佛法一切種智今在何處釋提桓

因言善男子是臺中有七寶大牀四寶小牀重敷其上以黃金牒書般若波羅蜜置小牀上曇無竭菩薩以七寶印印之我等不能得開以示汝是時薩陀波崙與長者女及五百侍女取供養具華香瓔珞幡蓋分作二分一分供養般若波羅蜜一分供養法座上曇無竭菩薩尔時薩陀波崙菩薩與五百女人持華香瓔珞幡蓋妓樂及諸珍寶供養般若波羅蜜已然後到曇無竭菩薩所到已見曇無竭菩薩在法座上坐以諸華香瓔珞擣香澤香金銀寶華幡蓋寶衣服以散其上為法故供養是時華香寶衣於曇無竭菩薩上虛空

中化成華臺碎末栴檀寶屑金銀寶華化成寶帳寶帳之上所散種種寶衣化為寶蓋寶蓋四邊垂諸寶幡薩陀波崙及諸女人見曇無竭菩薩所作變化大歡喜作是念未曾有也曇無竭大師神德乃尙行菩薩道時神通力尚能如是何況得阿耨多羅三藐三菩提

空八

九

時是時長者女及五百女人清淨信心敬重曇無竭菩薩皆發阿耨多羅三藐三菩提心作是願言如曇無竭菩薩得菩薩諸深法如曇無竭菩薩供養般若波羅蜜如曇無竭菩薩於大衆中演說顯示般若波羅蜜義如曇無竭菩薩得般若波羅蜜方便力成就神通於菩薩事中得自在亦當如是是時薩陀波崙菩薩及五百女人華香寶物供養般若波羅蜜及曇無竭菩薩已頭面禮曇無竭菩薩合手恭敬一面立一面立已白曇無竭菩薩言我本求般若波羅蜜時於空閑林中聞空中聲言善男子汝從是東行當得聞般

若波羅蜜我受是語東行東行不久作是念
我何不問空中聲我當何處去去是遠近當
從誰聞我是時大憂愁啼哭於是處住七日
七夜憂愁故乃至不念飲食但念我何時當
得聞般若波羅蜜我如是憂愁一心念般若
波羅蜜見佛身在虛空中語我言善男子汝

大欲大精進心莫放捨以是大欲大精進心
從是東行去是五百由旬有城名衆香是中
有菩薩摩訖薩名曇無竭從是人所當得聞
般若波羅蜜是菩薩出世是汝善知識常守
護汝我從佛受教誨已便東行更無餘念但
念我何時當見曇無竭菩薩爲我說般若波
羅蜜我爾時中道住於一切法中得無礙智
見得觀諸法性等諸三昧現在前住是三昧
已見十方無量阿僧祇諸佛說是般若波羅
蜜諸佛讚我言善哉善哉善男子我本求般
若波羅蜜時得諸三昧亦如汝今日得是諸
三昧已遍得諸佛法諸佛爲我廣說法安慰

我已忽然不現我從三昧起作是念諸佛從
何處來去至何所我不見諸佛故大愁憂復
作是念曇無竭菩薩供養先佛植衆善根久
行般若波羅蜜善知方便力於菩薩道中得
自在是我善知識守護我我當問曇無竭菩
薩是事諸佛從何所來去至何所我今問大
空入

師是諸佛何處來去至何處大師願爲我說
諸佛所從來所至處令我得知知已亦常不
離見諸佛

論釋曰薩陀波崙渴仰欲聞般若故見十方
諸佛爲大衆說法其心歡喜其意得滿諸佛
以其信力堅固精進難動故安慰其心讚言
善哉我本初行菩薩道求般若時亦如汝今
曰汝莫憂愁自謂福薄爾時薩陀波崙大得
諸三昧力其心深著是故諸佛爲說求諸三
昧性不見實體亦不見入三昧出三昧者衆
生空法空故諸佛爲略說般若波羅蜜相不
念有是法所謂一切法無相故不可念著我

等住是無所念法中能具足六波羅蜜具足六波羅蜜故得金色身如經中說諸佛教化利喜安慰其心問曰上化佛已爲說曇無竭是汝世世善知識今何以復問何等是我善知識答曰以佛勑於善知識中倍應恭敬愛念故又以欲於十方佛所聞曇無竭功德欲自令信心堅固不疑故問十方佛答如經中說薩陀波峯是曇無竭所度因緣人故諸佛佐助示導或有諸菩薩佐助佛所應度者令至佛所問曰上聞虛空聲不問故七日啼哭今不見十方佛何以不大憂愁更求見佛但欲於曇無竭所問諸佛去來事答曰薩陀波峯先時但有肉眼未得三昧以深心信著善法故大啼哭今得諸三昧力又見十方佛諸煩惱微薄著心已離故但一心念我當何時見曇無竭問曰若薩陀波峯得是三昧力何以不還入三昧問十方諸佛從何所來去至何所而欲見問曇無竭答曰十方佛尚以種

種因緣讚曇無竭世世是汝師是故欲問是時薩陀波峯念曇無竭菩薩是我先世因緣是故生恭敬尊重心以有大功德故尊重是先世因緣故恭敬愛樂問曰先說薩陀波峯不大著世間事深愛般若波羅蜜故愁憂啼哭今何以自鄙貧窮先以供養但以心隨師意則是法供養何用華香爲答曰法供養雖上而世間衆生見遠來求法而空無所有則不發喜心以世法故求供養具復次五波羅蜜爲助般若波羅蜜法助法中檀波羅蜜爲首薩陀波峯思惟我得尊重福田曇無竭菩薩當以助道法根本供養亦欲爲起發衆人薩陀波峯是智人善人貧窮而能供養何況我等復次諸善法行時思惟時其味各異薩陀波峯欲行布施味是故求供養具問曰薩陀波峯是大菩薩能見十方佛又得諸深三昧何以貧窮答曰有人言此人捨家求佛道雖生富家道里懸遠一身獨去不費財物有

人言雖是大人宿世小罪因緣故生貧窮家有人言雖是小人先世少行布施因緣故不生大富家如蘇陀夷尼他等是諸天所供養人而生小家貧有二種一者財貧二者功德法貧功德法貧最大可耻財貧好人亦有法貧好人所無無有華香者無有上妙寶華又

以少故言無我若空往師雖不須我心不得大喜是故欲賣身問曰若賣身與他誰賣此物往供養師答曰捨身即是大供養去住無在有人言是人賣身取財因人供養我為供養故賣身為奴又人言余時世人皆如法雖自賣身主必能聽供養而還復次是人發

空八

十二

丁

深心欲行檀波羅蜜為供養法及法師而無外物唯有己身是故賣身是內物於外內物中內物為重惜之深故是故欲不破布施願故賣身供養此中自說不悔因緣我世世喪身無數未曾為清淨法故今為供養說法者故喪是身大得法利薩陀波崙定心斷貪惜

身意於道中入一大城欲得賣買如意故入此大城一心欲賣身除羞愧破慢故唱言誰須人問曰魔何以欲破其意答曰魔常為諸佛菩薩怨家故欲來破復次諸小菩薩未得諸法寶相魔及惡人能壞若得無生法忍住諸菩薩神通力無能破者如小樹栽小兒能破大不可破復次此中自說魔破因緣所謂是薩陀波崙愛法故自賣身供養般若波羅蜜及法盛菩薩當得正問般若波羅蜜如經中廣說問曰若魔欲壞薩陀波崙先來聞空中聲及見十方佛時何以不壞今方隱蔽諸婆羅門居士令不聞其聲答曰薩陀波崙先心未定惜身未盡見十方佛已得諸三昧其心乃定今定心相現是故魔驚若菩薩心未定未能動魔若大菩薩其心已定魔亦不來薩陀波崙今欲定心出魔境界是故魔來譬如負債人未欲遠去債主不遮欲出他界則不聽去問曰魔有大力何以不殺此菩薩

空八

十二

四

而但破壞答曰魔本不嫉其壽命但憎其作佛心是故欲壞又復諸天神法人無重罪不得妄殺但得壞亂恐怖若神無此法則人無活者是故不殺婆羅門性中生受戒故名婆羅門除此通名居士居士真是居舍之主非四姓中居士除一長者女者以其爲佛道世集功德故魔不能蔽復有人言是薩陀波崙不應死故令一女人聞有人言是曇無竭菩薩神通力故令長者女得聞如是三唱無人買者便大愁憂問曰薩陀波崙既不惜身雖無人買亦不應愁答曰既發大心不滿其願是故大愁釋提桓因作是念薩陀波崙欲賣其身無有買者如經中廣說問曰釋提桓因得報得知他心應知薩陀波崙心已決定今何以來試答曰諸天但知世間人心作佛不作佛心非其所知除佛無有能知其爲佛道故與受記復次釋提桓因欲多所引導故來試之人聞見者皆發心求佛又如金銀等

諸寶不以輕賤故燒鋸磨打菩薩亦如是若能割肉出血破骨出髓其心不動是正定菩薩是故天帝來試問曰帝釋是太天王何以妄語詐言我欲祠天須人心血髓答曰若以慳貪瞋恚煩惱欲求自利故妄語是故爲罪帝釋若作實身實語菩薩則不信是故如其國法天祠所須爲其信受故是時薩陀波崙信其語而大歡喜我得大利大利者阿難跋致地第一利者是佛道大利者五波羅蜜第一利者般若波羅蜜大利者般若波羅蜜第一利者般若波羅蜜方便力大利者菩薩初地第一利者十地大利者從初地乃至十地第一利者第十地大利者菩薩地第一利者佛地如是次第分別雖未具足已住具足因緣故言便爲具足問曰若釋提桓因化身來何以言汝須何等價答曰知其欲供養曇無竭菩薩滿其願故又復釋提桓因苦困薩陀波崙畏其所索者大是故言須何等價隨汝

意與我者言於汝不大貪惜不致悔恨者與
我薩陀波崙無力勢故不能得使栴陀羅故
自捉刀婁羅門亦畏罪故不能破是以自執
刀破身問曰若長者女聞聲何以不來問汝
何以自賣身耶答曰但空言賣身事輕破身
出心髓事重故長者女發心長者女住在閻

上遙見是人自割刺作是念一切衆生皆求
樂畏苦貪愛其身薩陀波崙而自割刺是爲
希有又以先世福德因緣所牽故即往到其所
而問薩陀波崙答欲供養曇無竭菩薩復
問得何等利答言般若波羅蜜名菩薩所學
當從彼聞我學是道當得作佛與一切衆生
作依止譬如厚葉樹多所蔭覆又如熱時曠
野險道清涼大池爲說佛功德現事可以發
心者所謂金色身三十二相丈光無量光大
光爲闍浮提惡世衆生諸佛真實光明無有
限量大慈乃至六神通義如前說不可思議
清淨戒禪定智慧如佛戒等五衆中說於說

法中得一切無礙智見者諸佛有無礙解脫
是解脫相應智見一切法中無所現智見分
別如先說薩陀波崙言我得如是無量佛功德
以無上法寶分布與一切衆生無上寶者
有人言三寶中法寶有人言一切八万四千
法衆是爲法寶得是故除諸煩惱滅諸惑論
空六

十五

得脫一切苦有人言無上法寶即是阿耨多
羅三藐三菩提更無過上者故有人言涅槃
是無上法寶何以故一切有爲法皆有上如
阿毗曇言一切有爲法及虛空非數緣盡名
爲有上法數緣盡是無上法數緣盡即是涅
槃之別名有人言涅槃道雖有爲以其爲涅
槃故於有爲法中爲無上如是等法寶分布
爲三乘與衆生如是等無量佛法當從師得
是故我捨是老病死所住處不淨臭穢之身
爲供養般若波羅蜜故當得佛身金色等如
先說長者女世世供養諸佛種善根智慧明
利聞是法其心深入大得法喜乃至心驚毛

豎語薩陀波崙言甚爲希有汝所讚法大微妙爲是一一法故應捨如恒河沙等身何況一身長者女不知何因緣故困苦其身而憐愍之心謂不可今聞是無量無邊無比清淨佛法以是因緣可得故大喜是故說爲是法故應捨如恒河沙身女言女以貧故自苦困其身於今可此恣汝所須當以相與我亦隨汝而來是道問曰是菩薩旣自割截身體云何能與長者汝多說佛法答曰是菩薩心力大雖有身苦不能覆心是菩薩始以刀割肉流血方欲破骨而長者女來未大悶故能得說法釋提桓因知其心定試之而已故無所言即復本身讚言善哉汝心堅受是事者帝釋意如汝今生死肉身未得佛道能如是不惜身汝不久當於一切法中得無所著住無生法忍中疾得阿耨多羅三藐三菩提以過去佛爲證如是等種種因緣安慰其心我是天王愛樂佛道故來相試欲知汝心堅軟云

何欲令汝信故言須人心體祠天寶不須也汝願何等當以相與汝是好人爲是佛種當相擁護薩陀波崙直信心善轉深著佛道故不分別衆生聞帝釋語便言與我阿耨多羅三藐三菩提願帝釋言此非我力所能辦是佛境界復次有人言帝釋大苦困薩陀波崙空八
十六

今以此語謝之帝釋意謂求金銀寶物不知乃索阿耨多羅三藐三菩提旣不能與愧負而已復更語言必相供養更索餘願帝釋語意我旣大相苦困不得直尔而去要相供養薩陀波崙雖不惜身欲以此身供養曇無竭聞般若波羅密是故語言若汝無此力令我身體平復如故帝釋言如所言瘡即平滿與本無異問曰先已割肉云何令得平滿答曰佛說有五不可思議龍事所作尚不可思議何況天又虛空中微塵充滿帝釋福德生心便能和合平滿如諸天及地獄中身非是胎生身罪福因緣故和合便有是時帝釋知其

心堅與願已即時滅去尔時薩陀波崙宿世
微罪已畢福德明盛是故長者女將歸有所
須者從我父母索之如經中廣說問曰是女
先言汝所須物盡從我索之今何以言從我
父母索答曰今既將歸到舍以薩陀波崙自
見入舍從父母得之愧不稱前言是故先自

說從我父母索之又女雖力能得寶以子女
法故從父母索之女既入舍如先所許從父
母索與其國無有佛法是故問女阿誰是薩
陀波崙菩薩女如所見如所聞盡向父母說
薩陀波崙事令父母當聽我與薩陀波崙菩
薩俱及五百侍女并供養具供養曇無竭菩

空六

十七

薩父母聞其言即聽如意問曰長者貴而
有力云何先不識薩陀波崙聞其功德故便
能令女及其眷屬寶物與之俱去答曰長者
亦植德本以少因緣故生無佛國暫聞佛德
發其宿識心即開悟故能發遣譬如蓮華生
長具足見日開敷父母知女心淳熟無不淨

行持操不忘不樂世樂但求法利知其心至
不可制止若違其意恐便自害思惟籌量已
既全其意自得功德歡喜令去世間因緣深
著難解愛之至故尚不能違何況爲佛道故
其心清淨無所染著而不聽之女以父母爲
法見聽不惜寶物亦以隨喜心爲之歡喜余

時衆心既定莊嚴七寶之車與大衆圍遶稍
稍東行是時五百女親屬及城中衆人見是
希有難及之事皆亦隨去人衆旣集歡悅共
行渴仰衆香城如渴者思飲漸漸進路遙見
衆香城乃至與長者女及五百人恭敬圍遶
欲往曇無竭所問曰曇無竭是大菩薩得聞
持等諸陀羅尼般若波羅蜜義已自誦利憶
持何用七寶臺書般若經卷著中供養答曰
雖有種種因緣略說有二義一者衆生心行
不同或樂見經卷或樂聞演說二者曇無竭
身爲白衣現有家屬鉢根衆生或作是念此
有居家必有染著何能以畢竟清淨無著般

若波羅蜜利益衆生自未無著何能以無著法教化是故書其經文著七寶牒上衆寶供養諸天龍鬼神皆亦共來恭敬供養華香幡蓋雨於七寶衆生見者增益信根則以此法示傳佛語案文演教勸發一切寶臺莊嚴之具及薩陀波崙問釋提桓因如經中說七印印者是曇無竭真實印常自手執以印於經有人言七印者有求佛道七大神是執金剛種常給曇無竭菩薩使守護經文不令魔及魔民改更錯亂為貴敬般若故有人但聞演說所發心者有人見其莊嚴文字而歡喜發心者是故莊嚴寶臺用金牒書七印印問曰

空八

十八

答曰有人言諸佛神力因薩陀波崙所供養物作變化有人言曇無竭是大菩薩法性生身為度衆生故受五欲如曇無竭菩薩名字義中說問曰菩薩法先於衆生中起悲心欲度衆生苦故求阿耨多羅三藐三菩提今但見曇無竭神力威德云何發心答曰發心有臺上書寫般若曇無竭菩薩口所演說般若雖二處俱有而書寫處不能益人何以先至臺所答曰所書般若入法寶中佛寶次第有法寶故一應先供養曇無竭一人故僧寶所不攝是故先供養法寶又曇無竭菩薩所說者雖是法而衆生取人相故多生著心若見

空六

十九

精進得阿羅漢道佛道中亦如是長者女等及五百女人常深貪勢力自在樂聞往古有人神力變化寶物具足人中受天樂後見曇無竭臺觀宮殿在大法座上坐天人供養又見所供養物於虛空中化成大臺心即大喜發難遭想知皆從福德因緣可辦是事是故皆發作佛心所聞發心者行皆次第行如毗摩羅鞞經中說愛慢等諸煩惱皆是佛道根本是故女人見是事已生愛樂心知以福德因緣可得是事故皆發心因是愛慢後得清淨好心故言佛道根本譬如蓮華生淤泥發心已作願如曇無竭所為我等亦當得是爾時薩陀波崙等頭面禮曇無竭菩薩華香供養不貴故先以供養身貴重故後禮拜禮拜已說本求般若因緣如經中說我本求般共時聞空中聲乃至我今問大師諸佛從何所來去至何處問曰薩陀波崙得諸大三昧所謂破無明觀諸法性等云何不知空而取佛

相深生著答曰新發意菩薩雖能揔相知諸法空無相於諸佛所深愛著故不能解佛相畢竟空雖知空而不能與空合何以故諸佛有無量無邊實功德是菩薩利根故深入深著若佛不為是菩薩說空者是菩薩為愛佛故能自滅親族何況餘人但以解空故無是事薩陀波崙深著諸佛故不能知而問大師今為我說諸佛來去相我見佛身無厭足故常不離見諸佛

壬未

大智度論卷第九十八

空八

惆悵

上勑周反沮杖呂售音髀肉上蒲

瘡癰

下音鄧碑米鍛磨上丁曠野上苦操七到